

ALL NATIONS GOSPEL PUBLISHERS



www.angp-hb.co.za



info@angp.co.za

ASA WOZANAA

ASA WOZANAA BESSIYA AYYAANAA HEREGAA
(Asa wozanaa bessiya tammu leemiso misileta)

Ha qeeri maxaafiyaa koiro kochchooro paranjja qoodan 1732 maarotettaa laittan Paranssaaye biittan xaafettidoogaappe guyyiyan bonchchettida J.R. Gschwend gujji giigissidi 1937 maarotettaa laittan Afirqqaa biittan oosettiya Mishraachchuwaa Qaalaa oosuwaassi zaarettidi xaafis. Qassikka ha maxaafiyaa he wodeppe doommada dumma dumma wodiyan biitta ubbau Mishraachchuwaa Qaalaa gattiyaanne 127 Mishraachchuwaa Qaalai odettiyo biittatun o gishiiddi de7iya dirijjitiyan koiro xaafidaagaappe demmido fiqaadiyan 250 dumma dumma biittatu qaalatun birshettaasunne attamettaasu, Hananabaa yootiya Hizqqeela maxaafan Yesuusa yeletaappe 586 laittaappe kase baggan, "26 Taani intteyyo ooratta wozanaa immana; ooratta ayyaanaakka intte giddon woottana; qassi shuchcha wozanaa intteppe kessada asho wozanaa immana. 27 Taani ta ayyaanaa intte giddon wottan; yaatada intte ta wogaa kaallanaadaaninne ta higgiiyaa minttidi naaganaadan oottana; 28 taani intte maizza aawatussi immido biittan intte de7ana; intte ta asa gidana; taanikka intte Xoossa gidana." Hizqqela 36:26-28 geetettidi yootettidoogaadan dumma dumma qaalaa haasayiya, dumma dumma shahuwaaninne ammanuwan de7iya asa ubbai ciimma gidida Ayyaanaa tumatettaanne Xoossai asa zare ubbau immido kiitaa meezetanaadan ha maxaafiyaa maaddaasu.

COPYRIGHT

ISBN 1 - 919852 - 71 - 9

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

ASA WOZANAA

XOOSSAA BEETA MAQIDASEEYYE SEEXAANAASSI OOSO KEETTEE ?

(Koiro Yohaannisa 3:4-10)

Ha maxaafaa neeni nabbabbiyo wode i neeni nena be7iyo heregaa mala gidiyoojaa hayanaa akeeka. Neeni aramane gidin ammaniyaagaa gidin ubba Yesuusa mule ammanennaagaa gidin woi qassi ammanada kaddidaagaa gidikka neeni Xoossai nena be7iyoogaadan be7anau danddayaasa. "Asi som77uwaa xeelles; shin Godai wozanaa xeelles." Koiro Saameela maxaafaa 16:7 Xoossai nuna nu oonatettaadan xeelles.

Seexaanai worddo ubbaassi aawaa; i bana poo7o kiitanchcha milatissi laammidi attumaa maccaa ubbaa bala ogiyaa kaalettiya. ha sa7aa xoossaanne xumaa haariyaagaa. Ha77i ha wodiyan, kase aadhdhida wodefunkka tumu Yesuusi kiittidoogeeta milatanau banttanatettaa laammiya daro Yesuusi kiittibeenna worddanchchati de7oosona. Gidoppe attin hegee malaliyaaba gidenna; aissi giikko, seexaanai ba huuphen poo7o kiitanchcha milatanau ba meraa laammes. (Naa77antto Qorontoosa 11:13,14). Ha sa7aa xoossa gidida seexaanai asai ubbai Xoossai eta siiqiyoojaa woikko Yesuusi eta ashshanau haiqqidoogaa erennaadan xuman teqqidi oiqqi wottis. (Naa77antto Qorontoosa 4:4) Nagaranichchati ubbainne ammanibeennaageeti ayyaanan haiqqidaageetanne Xoossaabau eta aifee qooqidoogeeta. Eti ha sa7aa iita oosuwan kaalettididosona (Efsoona 2:1-2). Waanikko hanidi eta aifee dooyettin eti bashshaa gidдон de7iyoogaa be7ana xaikko eti merinaa xayuwaaikko simmidi horddofoosona. Issi asi, "Taani nagara ootabeikke" giiko, i bana cimmes; aissi giikko, "Xoossaa na7ai saluwaape yiido koiro gaasoikka Xalaha halaqai oottidobaa laalanaassa." (Koiro Yohaannisa 3:8). Simmi hegaa gidikko, nenatettaa Xoossaassi imma; Xalaha halaqaara eqetta; ikka neeppe aggidi baqatana; Xoossaakko ha shiiqa; Xoossaikka neekko shiiqana" (Yaaqooba 4:7-8).

Neeni ha maxaafaa nabbabbiyo wodenne a gidдон de7iya misileta xanna7iyo wode, he wode neeni ne wozanaa be7anau danddayaasa.

Xoossai ba pilggiya poo7uwan ne wozanai ai malatiyaakko nena bessana mala sheniyaa au imma; neeni nagaranchcha gidiiyoogaa ammana; qassi nagaraa duussaakka kaddoppa. Aissi giikko, Xoosaa Qaalai, “Nuuni nunan nagari baawa giikko, nurkka nuna cimmos; nunan tumatettikka baawa; shin nuuni Xoossau nu nagaraa paaxikko, I ba qaalaa caaquwaa naagiyaagaanne sittabaa oottiyaagaa gidiiyo gishshau nu nagaraa atto gaananne nu mooro ooso ubbaappe nuna geeshshana” yaages. (Koiro Yohaannisa 1:1-10). A na7aa Yesuusa suuttai nuna nagara ubbaappe geeshshes.

Neeni woi Seexaanan woi Xoossan kaaletettaasa; neeni woi nagarau aille woi Xoossau ashkkara; ne de7uwaan nagarai haaridaba gidikko, he tumatettaa kadiiyoogaa aggada Xoossaakko pude waassa. Nu bollan kawotida nagaraanne Seexaanaa wolqqaa menttanaanne nagaranchchata ashshanau ha sa7aa yiida Yesu Kristtoosa baggaara I nena birshshi yeddana; I nuna ashshiyaagaa. Neeni xuura ubbaa, ne de7uwaan gididon geeman de7iya qofatanne oosota ubbaa eriyaa geeshsha Xoossaa sinttan de7aasa. Neeni nenatettaanne ne oosuwaan Xoossaappe genttanau mulekka danddayakka; aissi giikko, “Nu haittaa medhdhida Xoossai I bau siyenna gaadii? Qassi nu aifiyaa medhdhidaagee I bau xeellenna gaadii?” (Mazammure Maxaafaa 94:9).

“Bantta wozanan ayyoo imettida asata minttettanau Godaa aifee sa7aa bollan ubbaasa matattidi xeelles” (Hanidabaa odiiyaa naa77antto maxaafaa 16:9).

“Xoossai asa hemetaa xeelles; a tanggo ubbaakka woches. Iitaa oottiyaageeta Xoossaappe genttanau danddayiya sakkanna xumi baawa” (Iyooba Maxaafaa 34:21,22).

“Shin Yesuusi he asaa ubbaa eriyoo gishshau eta ammanibeenna” (Yohaannisa 2:24).

Hegaa gishshau, “A mooroi atto geetettidonne a nagarai kamettido urai anjjettidaagaa; Godai a iitatettaa qoodenna asinne a qofan baletoi baina asi anjjettidaagaa” (Mazammure Maxaafaa 32:1-2).

MISILETU QONCCISSETAA

KOIRO MISILIYAA

Ha misilee Xoossaa ammanibeenna nagaranchcha bitaniyaa woi mishiriyo bessees; Geeshsha Maxaafai eta, ha sa7aa iita


oosuwaaninne asa meretaa gidдон de7iya mino amuwau haarettidi: nagaranchchata yaages; Xoossai asa wozanaa xeelliyo wode, tumakk: asa wozanai ha misiliyaa milates. Leemiso Maxaafan 23:29-30: xaafettidoogaadan shaaratida zo77o aifee uyidi mattottida asa besses. “Ane tana issi gammaappe aadhdhida ushshaa uyiya uraanne qassi haraakka gujjana giya uraa bessite; he urai yohoi haddiridonne ba de7uwan ufaissa xaiyida asa. I ubbatoo meto medhdhiyaagaanne zuuzummiyaagaa; a aifee suutta kuliya milates; a bollai coo hadan gaarettidaagaa. Woine cessai suutta kule milatidi zo77ikkokka, a merai birilliyaa gidдон phoolikkokka, qassi i uyiyo wode yalalattidi gelikkokka i nena paaccennaadan naagetta. Ixxikko wontto maallado neeni marzziyaara de7iya shooshshai dukkido asa mala gidana. Ne aifee be7i erennabaa be7ana; ne wozanaikka suure qoppaanne hassayanau danddayenna.

Ha misiliyan huuphiyaappe garssa baggaara nu nagara ubbaassi maakalenne yelettiyo soho gidiya nu wozanai, asa wozanan de7iya dumma dumma nagarata bessiya dumma dumma do7atu misiletun kumi uttidaagaa be7os. Xoossai ba hananabaa yootiya Ermaasa doonan gididi hagaadan yaagidi yootis; “Asa wozanaa ooninne eranau danddayenna; appe aadhdhidi cimmiyaabi baawa; i paxanau danddayenna harganchcha” yaagis. (Ermaasa 17:9).

Yesuusi ba huuphiyau hagaadan yaagidi ha qofaa minttis; “Aissi giikko, asi tunabaa oottanaadan kaalettiya iita qofati asa wozanaa gid-doppe kiyooona; hegeetikka, wuuqqiyoo-gaa, woriyoo-gaa, shaaramuxiyoo-gaa, duretetta amottiyoo-gaa, iitabaa ubbaa oottiyoo-gaa, cimmiyoo-gaa, maari bainna xabaayiya, qanaatiyoo-gaa, cashshaa, ayyuwaanne azallatetta; ha iitabati ubbai asa wozana gid-doppe kiyidi asa tunissoona” yaagis (Marqqoosa 7:21-23).

1. Gaammuwaa – hagan asa wazanaa gidдон de7iya gammuwaa misilee ooro woikko ayyuwaa nagaraabaa besses. Wonttaa bakkaalee, kase Xoossaassi dumma gidida poo7o kiitanchchai, otoruwaappe denddidaagan ba halaqatettaappe wodhdhidi Xoossa morkke, xalabe kiyis (Isiyaasa 14:9-17, Hizqqeela 28:12-17).

Otoroi gannabiyaassi gidдо wozanaappe yes; ikka qassi bana daro ogetun qonccisses. Issi issi asai banttau de7iya duretettan woikko



1.

1. NAGARANCHCHA ASA WOZANAA

bantta timirttiyaa darajan otorettoosona; harati yeelli baina hanotettan maayidi bantta bollaa bessanau wodee chiido maayuwan otorettoosona; haratikka qassi Isiyaasa Maxaafan 3:16-24 qonccissidoogaadan qilcci giya bollaa puulayiyaabatun – sagaayotun, migidotun otorettoososna. Qassi harati Koiro Phexiroosa 5:5 xaafettidoogaadan “Xoossai otorettiyaageeta ixxes; shin banttana kaushshiyaageetuyyo aaro kehatettaa immes” giya qaalaa dogirggidi bantta zariyan, biittan wogaaninne ispporttiyaa kaassaa malatiyaabatun otorettoososna. Xoossai otoruwaanne ayyuwaa ixxes. (Leemiso Maxaafaa 8:13) “Otoroi bashshau kaalettes; ayyoikka kunddettau kaalettes (Leemiso Maxaafaa 16:18).

2. Kanaa – kanaa misilee ashuwaa amuwaa, tunatettaanne sharamuxaa beses. Naa77u sha7u laittappe kase baggan Yesuusi, wurssettaa wodeti Sodoomaanne Gamoora wodetu mala gidana giidi hananabaa yootido qaalai tuma gidiyooгаа nuuni ammananau beses; aissi giikko, hageeta malatiya nagarati ha77i ha wurssettaa wodiyan kasseppe haa daridosona. Hageeta malatiya nagarati maccaanne attumaa gum77i oiqqidi ammaniya asaa keettau, dirijjitiyau timirte keettaunne tamaare naati aqiyoo keetau yiyooгаа xalla gidennan, ha tunatetta yeelli bainnanne eranau wayissiya hanotettan silimaa be7iyooгаа, tiraatriyaara, tunabaa yootia xuufetuuninne hara daro ogetun asa wazanaa giddo geliiddi de7oosona; qassi Xoossai nagara giyoobai ubbai ha77i wodiyan geeshshatettadan xeelettiiddi de7es. Miilooniyan qoodettiya yelaga yeletai silimaa be7iyooгааппenne asi ba wozanan medhdhiyo qofaappe denddidi lo77o de7o giyoogee haggaa yaagidi qoppoosona; hegaappe denddidaagan metuwan, yeellaaninne kayuwaa gidдон banttana yeggoosona. Tunanne yeda duussaa de7iya tiraatriyaa ootiya attumaagaetinne maccaageeti yelaga yeletaassi kaalliyo gooba leemiso gididosona. Durssaa adarshati daro wode tunatetta yelettiyo sohota. Xoossa sintan geeshshatettau gooba (Doomettaabaa 39) gidida Yosefa de7oinne harati geeshshatettau leemiso gidiyoogee attiichchis. Ha77i wodiyan eran aadhdhida giya ha yeletaa harai atto sharamuxiya attumaagaa woi maccaaro haiquwan qaxxayiya Zuulu biitaa wogaa ammanuwaa kaallettiyaageenne tamarissanau danddayes. I qassi pirddaa gallassi ha yeletaa bollan pirddanau denddana. Xoossai nuuni tunatettaara ka7ana mala gidennan a nu matappe xaissanaadan yootes. “Issi urai ootiyoo hara nagara ubbai a bollaappe kareera de7es; shin

shaaramuxiyagee ba bolli nagaraa oottes; woi intte bollai Xoossai inttessi immido inttenan de7iya Geeshsha Ayyaanaa beeta maqidase gidiyoojaa erekketii? Qassi intte Xoossaassappe attin intte huuphessa gidekketa (Koiro Qoronttoosa 6:18,19). Hegaa gishshau ooninne Xoossaa beeta maqidasiyaa bashshikko, Xoossaikka a bashshana; aissi giikko, Xoossaa beeta maqidasee geeshsha; he beeta maqidaseekka inttena. (Koiro Qoronttoosa 3:17).

3. Gudunttaa – gudunttaa misilee mattuwaanne gammaappe aadhdhida conchchaa nagaraabaa yootes. Ha qita do7a gidiya gudunttai demmobaa ubbaa iitaa gidin kehaa attennaadan yaaretidi mitti aggiyoogaadan nagaranchcha asa wazanai tuna qofata, misileta, xuufetanne hegeeta milatiyaabata ubbaa hafutidi mitti aages. De7o Xoossaassi beeta maqidase gidanaadan merettida asa bollai sijaaraa uyioogan woi tambbuwaa coommiyoogan, oppeemiyaa giyo bollaa docissiya xaliyaanne hara qohiya hashiishetanne xaleta miyoogaaninne iita hanotettan tuni agges. Sijaaraanne oppeemiyaa giyo bollaa docissiya xaliyaa ekkiyo meezee attumaanne maccaa kaseegaappe aattidi gum77idi oiqqi wottis. Ha sijaarai haarido xalahiyau aille gididi de7iya hiyeesata birshshanau danddayiyai Xoossa xalla. Daro ammanuwaaw merai de7iyo asai etau Xoossaa kaushshiyooaba milatiyo gishshau woosa keettani sijaaraa uyana xaikkokka, kare kiyyidi ha xinqqiya sharafan Xoossa beeta maqidase gidida banta bollaa tunissanau guyye gookkona. Yesuusi kiittido Phauloosi hagaadan yaages; “Ee tuma intte Xoossa beeta maqidase gidiyooqaanne Xoossa Ayyaanai inttenan de7iyoojaa intte ereeta; hejaa gishshau ooninne Xoossaa beta maqidasiyaa bashshikko, Xoossaikka a bashshana.” yaagees. (Koiro Qoronttoosa 3:16,17; 6:18,19).

Yora asi Xoossa sinttan ixettidaagaa woikko waagi bainaagaa; nuuni de7anau mosppe attin maanau de7okko. Namisai au bessiyaagaa keenaa miikko simmi agges; shin yorai ubba wode “Hamma hamma” giidi waasses. Yorai audenne kallenna; au audenne kumenna. Gal77a maachchaa wogaadan gidikko gammaappe aadhdhida conchchau yorattiyaageenne uyidi mattottiyaagee shuchchan cadettidi haiqqes. (Zarettido Wogaa 21:18-21). “Mattottiyaageetinne gammaappe aadhdhida conchchaa coommiyaageeti hiyeesana; issi asau ooso ubbi conchcha coommiiddi zin77i aggiyoogaa gidikko, i sohuwaarakka curqqaa maayioogaa doommi agges” (Leemiso maxaafaa 23:21).

Issi gammaappe aadhdhida conchcha coommiyaanne ba ashuwaa amuwau aille gidida dure bitanee haiqqidi gannabiyan gita seelaa giddo geloogaa hassayite. Mattoyiya ushshaa iitatettaa daro yootanau ainne kosshenna; abai loittidi erettiyo gishshau a laafabaadan xeellanau danddayettenna. Xoossai ba qaalan mattottiyaagee Xoossaa kawotettaa gelenna yaagidi qoncciyaa nuuyo yootes; biirai uyiya asi ubbi eeyabaa hananaadan asa kahaa bashshiyaanne qohiya ushshappe attin quma gidenna. Eti tunabaa oottoososna; ubba qassi aadhdhidi issai issuwaa shukkidi woroososna; uyennaba gidiyaakko heгаа ootokkona. “Daro mattoyiya ushshaa uyiyoogee daro bidisseesinne ooshshes. Mattottiya asi wozanai paccido asa. (Leemiso Maxaafaa 20:1).

Mattoyiya woiniyaa eessaa uyiyoogan erettidaageetuyoonne a walakkanau goobiyaageetuyyo aaye7ana; (Isiyaasa 5:22) qassi mattoyiya ushshaa agidi baizziyaageetikka Xoossaa sinttan nagaranchcha; aissi giikko, Imbbaaqooman 2:15 hagaadan yaages; “Ne shooroti mattottana gakkanaashshin neeni etau ushshaa immikko neeni pirdettana.” yaages. “Ee tumakka tunai Xoossaa kawotettaa gelennaagaa neeni eraasa; neeni eeyya gidoppa. Tunabaa oottiya asi woi eeqau goinniyaageeti woi shaaramuxiyaageeti woi attuma asa gididi attuma asaara shaaramuxiyaageeti woi wuuqqiyaageetti woi yorati woi mattottiyaageeti woi cayiyaageeti woi bonqqiyaageeti Xoossaa kawotettaa laattokkona.” (Koiro Qoronttoosa 6:9,10).

Nu asatettaa meretan nu oottiyo nagarati qoncce; leemisuwaayyo, tunatettaa, iitanne yeelli bainna hanotettaa, eeqau goinniyoogaanne shareechchiyoogaa. Asai morkke gididi issai issuwaa olettes, qanaates; issai issuwaa bollan hanqqettesinne amottes. Eti bantta giddon citan citan shaahettoosona; qanaatoososna, mattottoosona, ufaissaa immiyaabata giidi eti qoppiyoobatanne hegeeta milatiya hara darobata oottoosona. Ha yohota oottiyaageeti Xoossaa kawotettaa gelokkona (Galatiyaa 5:19-21). Qassi inttenan Geeshsha Ayyaanai kumoppe attin inttena bashshiya woiniyaa giyo eessaa uyidi mattottoppite (Efisoona 5:18).

Ayyaanaamabaa saamettida ubbau Yesuusi hagaadan yaages; “Saamettida urai ooninne taakko yiidi uyo” (Yohaannisa 7:37,38) Qassikka Isiyaasa (55:1) yaages; “Inttenoo saamaettidaageetoo

ubbaikka haattaakko haa yiite; miishshi bainnaageetoo haa yiite; shammitte; mite; haa yiidi miishsha qanxxennan coo woine eessaakka maattaakka shammitte” “Shin taani immiyo haattaa uyiya ooninne naa77antto mulekka saamettenna. Taani immiyo haattai he aawu gidдон merinaa de7uwaaw pulitiiya pulitto gidana” yaages. (Yohaannisa 4:14).

4. Geeggiyaa – geeggiyaa misilee azallatettaabaa, azazettennan ixixidi xibiyooqaanne shareechchiyoogaa bessees. Makkaliyoogee shareechchiyo nagaraa mala; (Koiro Sammeela Maxaafaa 15:23). “Ooso oottennan ixixiya azalla asi barkka bana worres; ayo ooso giyoogee i demmanau koyioobaa amottiyoogaa. (Leemiso Maxaafaa 21:25,26) Iyaasu Israa7eela asaassi hagaadan yaagis; “Hagan ooso xayidi coo uttoppiti; biidi oiqqite” yaagis. (Daannatu Maxaafaa 18:9). Xoossaabaa eranau asa meretai kechi azallanne eesotennaagaa. Yesuusi hagaadan yaagis; “Un77o penggiyaara gelanau olettite” (Luuqqaasa 13:24). Qassi Matiyoosa 7:8 “Koyiya urai demmana” yaages. Saluwaa kawotettai daro naaqqettes qassi wolqqama asati a digganau koyoosona. (Matiyoosa 11:12).

Nu shemppuwaa atotettaabaanne ayyaanamabaa tau ai metoo giyoogee merinaa haiquwau kaalettes. Hegee nuna woossennaadan, Xoossaa ciimma yohota pilggennaadaaninne Xoossai nuuyo gelido dure qaalaa caaqota ekkennaadan digges; hegee xayuwau nuna kaalettes. Xoossai nena ne wozanaa hachchi tau imma giidi yootiyo wode, xalahee nena wontto woikko hara issi injjetiya gallassi heгаа ootta giidi cimmes; shin he gallassai neeyo mulékka yeenna gishshau neeni atotettaanne Kirsttoosa demmennan haiqqaasa. Xoossai hagaadan yaages; “Intte Xoossaa cenggurssaa hachchi siyiyaaba gidikko, intte aawati Xoossaassi makkalidoogaadan inttekkaa morgge zozza gidoppiti” yaages. (Ibraawe 3:7,8). Eti mulekka demmenna gallassaa atotettau wontto hara injje gallassai yaanau de7es giiddi aappun asai ayyaanai haiqqi wuridee? Wontto gallassai nebaa gidenna.

Geeggiyaa shareechchoti shareechchiyo wode go7ettoosona; heгаа gishshau i ha misiliyan de7o Xoossan ammanettiyoogaa aggidi shareechchuwan, qaadaa yootiyoogan, digimitiyaaninne eeqan ammanettiyoogaa bessees. Ubba qassi dummayidi paacee nuna gakkiiyo wode nu tuggaa wodenne kayuwaa wode iita qaadan woikko lo77o

qaadan ammanettiyoogga aggidi nuna ubba wode maaddanau giigi uttida de7o Xoossaa xegite geetettis. Aissi giikko, “Asi baanau bessiya ogiyaa Godai kaalettes”. (Mazammure Maxaafaa 37:23). Inteppe sahettiya urai ooninne de7ikko, woosa keettaa cimata baakko xeeso; eti Godaa sunntan zaitiyaa a tiyidi ayo Xoossaa woossona. Hegee ammanuwan Xoossaa woossiyo woosai hargganchchaa pattes; Godaikka a harggiyaappe denttana; qassi nagaraa i ootfidaba gidikkokka, Godai ayo atto gaana; hegae gishshau intt paxana mala intte nagaraa issoi issuwaayyo paaxitenne issoi issuwaayyo Xoossaa woosite (Yaaqooba 5:14-16). Xoossai Israa7eela asaa hagaadan yaagidi azazis; “Intte naata yarshshossi giidi taman xuuggoppite; inteppe ooninne bitiyaabi, maracce xeeliyaabi, murunniyaabinne qaadaa odiyaabi de7oppo; qassi ooninne haiqqida asa ayyaanaa xeggiyaabi de7oppo. Godai intte Xoossai hegae mala tunabaa oottiya asa ixxes” yaagis. (Zaarettido Wogaa 18:10-12) “Balanchchati, bitiyaageeti, shaaramuxoiyaageeti shemppuwaaworiyaageeti eeqaassi goinniyaageetinne bantta haasayaaninne bantta oosuwan worddotiyaageeti saluwaa katamaappe kareera de7oososna”. (Ajjjuutaa 22:15).

Moitilliyaa haasayissiya asatukko zoriyaa ekkanau booppite; biikko, intte tuna gidana; Taani Godaa intte Xoossaa (Wogaabaa 19:31). Asai inttena saasukkidinne zuuzummidi haasayiya qaadaa yootiyaageetuppenne moitilliyaa haasayissiyaageetuppe zoriyaa oichchite gaana. Eti inttena hagaadan yaagana; “Asai hananau bessiyaabaa moitilliyaa oichchanau besses; qassi de7uwan de7iya asaabaakka haiqqidaageeta oichchanau besses” yaagana. Intte etayo hagaadan yaagidi zaarite; “Godai inttena tamarssiyoobaa siyite; “Moitilliyaa haasayissiyaageetubaa siyoppite; eti intteyyo yootioobai mulekka lo77o gidenna”. (Isiyaasa 8:19-20).

Ha qeeri maxaafiyo neeni nabbabiyo wode, Xoossai nena xegidi neeni ne nagaraappe simmada ne de7uwaa ayyo immanaadan yootes. Shin ne wozanan de7iya geeggiyaa ayyaanai neeni ne qofaa qachchennaadan dumma dumma qofata neekko cheesinne ne wozanaa yashshan kunttes. Hegae gishshau neeni, “Taani tumu ammaniya asa gidikko, tana ta soo asai, ta laggetinne hara asai woiganeeshsha? Taani haratuura issippe durssaa durana xaikko, ha sa7aa ufaissaa immiya sohotun beettana xaikko waananddeeshsha? Yaagaasa” Neeni

Yesus Kristoosan de7iya aaro kehatettaa a maalaliyaa sarotaa xeelliyoojaa aggaagada nena asanne haiquwaa yashshai oiqqidi xalahiyau aille kessi wottin Kristoosa ne wozanaa giddo gelissikko atti aggiyaabata xeeluwa doommadasa. Shin Kristoosi bantta de7o ubban haiquwau yayidi au ailletidi de7iyaageeta yeda kessanau yis. (Ibraawe 2:14,15) Azazettennan ixxiyo xiba ayyaanai nena keehippe morgge zozza oottis; hegaappe denddidaagan ne wozanaikka geeggiyaa keettaadan mino gidis.

5. Maahiyya – maahee keehippe iitanne hanttaara do7a. Ixoi, hanqqoinne yiilloi ubbatoo asa wozanan kawotidi daro wode asa woranau kaalettes. Issitoo i wolqqaamidi xuuqqi kiyana gakkanaashshin neeni ne hanquwaa teqqa oiqqanau danddayaasa. Gido shin i ne garssan de7iyoojaa ammanettada Yesuusi nena appe birshshanaadan a oichchiyoogee lo77o. “Hanquwaa agga; aissi giikko, i nena metuwan yegges” (Mazammure Maxaafaa 37:8) “Hanqqoi qareti bannaagaanne bashshiyaagaa (Leemiso Maxaafaa 27:4) “Ne hanquwaa yedhdha haara; qassi qanaatiyau garssan sohuwaa immiyoogekka eeyatetta” (Eranchcha Maxaafaa 7:9) “Hanquwaa intteppe xaissitae” (Qollasiyaasa 3:8).

Daro yashshanchcha asati iita oosuwaa oottanau woi haluwaa kiyanau banttana mintettanau mattoyiya ushshaa uyoososna; shin i “Woriya shooshshaa marzziyaappe oosettida woiniyaa mala” (Zaarettido Wogaa 32:33) Nagarachcha wozanaassi haluwaa kiyiyoogee lo77oba; shin likke gidenna ooso; ubbaa Xoossai qaxxayes. Yesuusi hagaadan yaagis; “Ne shooruwaa ne huuphedan siiqa” (Marqqoosa 12:31) Qassi “Intte morkketa siiqite” (Matiyoosa 5:44) yaagis. Nuuni harati nuna naaqqido naaquwaa atto giikko, Xoossai nu naaquwaa atto gaanau qaala gelis. (Matiyoosa 6:12) Hanqqonne zuuzuntta ayyaanaa Xoossai ixxes; suutta gussiyoogeenne olaa iita qofai asa wozana gidдон de7es; heгаа gishshau muletoo xayenna tumu sarotetai asa wozana gidдон dommaanau besses.

6. Shooshshaa – shooshshai eedeene gannatiyaa gidдон Hewaano cimmiidi Xoossaara de7iya mal77o issippetettaanne siiqotaa duuttis. Addaameenne Hewaana Xoossaara wotoi banna issippetettan gaittiiddi biitta ubbaa haarid de7iyoojaa Seexaani be7ido wode, ta sohuwaa ekkirggidosona giidi keehippe qanaatiyan kumis. He qanaatiyaappe

denddidaagan Seexaanai eta xaissanau halchchis; qassi etau Xoossara de7iya maalaliya siiqotaanne de7uwaa qanxxis. Hegaadanka iita asatu wozanaa giddon de7iya he xalahiyaa qanaateenne miqqainne harati ufaissaninne injjiyan de7iyooгаа be7iyo wode eta ufaissaa bashshe. Qanaatee ufaiitiya asatu ufaissaa xaissanau iita qofaa wozana giddo ehesh; ubba harai atto asa woranaukka kaalettana danddayes. Hega malabai daro wode gelettidanne ekettida asaa giddon beettes. “Keettaawai qanaatiyan kumiyo wodiyaappe aadhdhidi yiilotis giyo wodee de7enna; i haluwaa kiyio kessaukka zawai, baawa” (Leemiso Maxaafaa 6:34). Oosuwan gidin woikko hachchi hachchi hemettiyo de7uwaa hemeta ubban qanaatee odanau danddayenna keena tuggaanne ixuwaa medhdhes. Harai atto shin ammaniya oosanchchati, Xoossaa Qaalaa yootiyaageetinne Xoossau haggaaziyaageetikka Xoossai etappe aattidi harata go7ettiyo wode qanaatoosona. Eti ubba wode naagettanunne Xoossai Geeshsha Ayyaanaa baggaara nu wozanaa gido gussido a geeshsha siiquwan kumanau koshshes. (Roome 5:5) Hegee xaikko eti Xoossau go77iya miishsha gidennaadan etanne eta haggaazaa qanaatee bashshes.

7. Zinzuwaa – zinzuwaa misilee uuzziyaanne iita ubbau pultto gidida miishshaa siiqiyo nagaraa besses. (Koiro Ximootiyoosa 6:10) Uuze asi hiyeesaa maaddanau ba kushiyaa dooyenna; shin xillo ogiyan gidin bulquwaanka ha sa7aa duretaa demmanau baaxetes. Yesuusi ba huuphiyau hagaadan yaagis; “Bil77ainne buuqai bashshiyooasaaninne kaisoi bookkidi wuuqqiyo ha sa7an intte huuphessi duretaa minjoppite; hegaappe bil77ainne buuqai bashshennasaaninne kaisoikka bookkidi wuuqqennasan saluwan intte huuphessi duretaa minjiite; aissi giikko, intte duretai de7iyo saluwan intte wozanai de7ana” yaagis. (Matiyoosa 6:19-21). Akkaaninne a keettaa asai shuchchan cadettidosona; aissi giikko, i biraa worqqaanne maayuwa siiqies. (Yaasu 7). Yesuusassi erssiyo ashkkara gidiya Yidaa Yasqoronttu sulettidi haiqqies; aissi giiko, miishshaa siiqoi a ba Godaanne Kaalettiyaagaa baizzanaadan oottis. Miishshai woikko worqqai iita gidenna; shin asa wozanaa giddon qosetti uttida miishshaa siiqoi iita.

Dumma dumma kifilenne zare gidiya sha7an qoodettiya attumanne macca asai ceeriyaa ka7iyooгaanne daro miishshaa wottidi paraanne kanaa wottaa xoonuwaa naasettiyoogan sohuwara gitanne qoppenna

duretaa demmana giyo iita amuwan bantta de7uwaanne bantta soo asaa de7uwaa bashshiiddi de7oosona. Daro daafuri bannan durre gidana giyo qofai wuussau, shemppuwaa woruwaassinne ba huuphiyaakka woriyoogau kaalettes. Miishshaa siiquwaassinne uuzziyssi daro laggeti de7oosona; leemisuwau sunttai xoqqu giyoogaa siiquwaa, maataa siiquwaa haratuppe bollaara gidada haarana giyo polotica maataa siiquwaa, hiyyeesatu wolqqaa bonqqidi miyo miishshaa siiquwaa woi qassi Xoossaappe aattidi woosa keettaassi mishettiyo ammanuwaa wogaa naagissiyo maataa siiquwaa; harai qassi Xoossaassi na7a gididi Kristtoosa kaallanau koyiyaageeta nu bagga gidenna giidi hidootaa qanxxissiyooobaa ootiyooogaa. (Marqqoosa 9:38). Yesuusi hagaadan yaagis; “Akeekite; qassi intte huuphiya duretaa demmana giyo ai waretaappekka naagettite; aissi giikko, asaassi daro duretai de7ikkokka a shemppoi he duretan de7enna” (Luuqqaasa 12:15). Dure bitaniyaabaa odiya taarikee hagaadan yaages; Issi wode issi dure bitaniyaassi biittai kattaa loitti morkkis. Yaatin i hagaadan yaagidi qoppis; “Taayyo haga katta ubbaa wottiyo sohoi baawa; yaatin ta waatance?” yaagis. Qassikka i bau zaaridi hagaadan yaagis; “Taani hagaadan oottana; kase ta gootaraa kolada ta kattaanne ta miishshaa ubbaa ekkiya hara gitatiya gootaraa keexxana. Yaatada tarkka tana, nenoo qaada lo77o bitaniyau, neeyyoo daro laittau gidiya lo77obati ubbai de7oosona. Hegaa gishshau ufaaitta; ma uyal’ yaagana” yaagis. Shin Xoossai au hagaadan yaagis; “Nenoo ha eeyyau, hachchi qammi neeni haiqqaaasa; yaatin ha neeni ne huuphessi shiishshidobaa ubbaa oonce ekkanai?” yaagis. Xoossaa aifiyaa sinttan dure gidennan de7iiddi ba huuphessi duretaa dooriya asa ubbaa de7oi heгаа mala. (Luuqqaasa 12:16-21). “Asi ha sa7an de7iyaabaa ubbaa demmidi ba shemppuwaa xaikko, a ai maaddance? Ainne maaddenna” (Marqqoosa 8:36). Hegaa gishshau taani intteyyo odais, intte paxa de7anau maana qumaassi woikko intte bollau maayana maaywaassi un77ettoppite; heгаа aggidi Xoossaa kawotettaabaassi un77ettite; ikka inttessi koshshiyaabaa ubbaa immana. Hegaa gishshau intte wozanai ubba wode intte duretai de7iyooosan de7ana. (Luuqqaasa 12:22-34).

8. Seexaanaa – seexaanai worddo ubbaassi aawanne wordduwaa yootiyaagaa; i asa wozanaa haariyaagaanne nagaraa oottaanaadan nuna oottiyaagaa. Yesuusi hagaadan yaagis; “Intte intte aawaa Xalahiyaa naata; intte intte aawaa amuwaa oottanau koyeeta. I

xaphoppe doommidikka shemppo woridaagaanne tumaa baggan eqqi erennaagaa; aissi giikko, an tumi baawa. I wordduwaa haasayioogee hegee au mereta; aissi giikko, i worddanchchanne worddo ubbaukka aawaa” yaagis. (Yohaannisa 8:44). Qeeri worddoikka wogga wordduwaadan iita. Asai haasayan, xaafiyoobaaninne hanotan worddots; lo77o gidennan lo77o milatanau koyiya asi worddots; aissi giikko, tumatettaa be7iyo wode i gidibeennabaa gidaas giidi cimmes. Xoossai worddotanau danddayenna; ammaniya asikka worddotenna; (Tiitu 1:2) “Yaatikko nuuni nuuyo aara issippetetta de7es giiddi xuman de7ikko, nu haasayaaninne nu oosuwan worddots” (Koiro Yohaannisa 1:6). “Shin iitau mirqqiyaageeti, bitiyaageeti, shaaramuxiyaageeti, shemppuwaa woriyaageeti eqqau goinniyaageetinne bantta haasayaaninne bantta oosuwan worddotiyaageeti saluwaa Kawotettaappe kareera de7oosona” (Ajuutaa 22:15). Wordduwaa bolli wordduwaa gujji gujjidi odiya worddo markkaa Xoossai ixses. (Leemiso Maxaafaa 6:19).

9. Xoolinttiyaa – xoolinttiyaa misilee ubba asaa wozanan de7iya kahaa besses. Hagan i qitattinne moretti uttis; ubba qassi ubba wode halchchidi ootiyoo nagarrappe denddidaagan haiqqennanka aggenna. I nagarnchchanne qooqe gidiyo gishshau ba ootiyoo oosotu bollan pirddanau danddayenna. Ha iita kahai issi issi wode saro milatanau danddayes; qassi issi issi wode shabbirettanau danddayes. Aggidi aadhdhanau bessiyaabaa mootes; qassi mootanu bessiyaabaa aggidi aadhdhes. I misho biratan xuugettin bollai doccidi aibinne siyettennabaadan haiqqidaagaa gidanau danddayes; ammanuwaa kaddidi worddo ayyaanatuyyo azazettes; qassi xalahetu timirttiyaa kaalleesinne worddanchcha cimmiyaageetu timirttiyaa ezgges (Koiro Ximootiyoosa 4:1,2; Ibraawe 10:22).

10. Ayfiyaa – Xoossaa aifee asa wozanaa gidдон haniyaabaa ubbaa be7es; lacottiyaa a aifiyaappe geemmiyaabi aibinne baawa; heгаа gishshau I asa wozanan de7iya xuuraa, qofaanne koshshaa ubbaa ereesinne be7es. Neeni ne iita oosuwaa qammi leela xuman oottin, ordde woraa giddo gelada oottin woi qassi ciimma olla gidдон gidin harasan aukka Xoossai be7es. (Ha misiletu gidдон de7iya aifeti bitaniyaa som77uwan beettiya leemisuwaa maayttoosona).

11. Qeeri tamaa inxxarssata – hegeeti naganchchaa wozanaa

dooddida Xoossaa siiquwaa bessoosona. Xoossai nagaraa ixkikkokka asaa doses; I nagaranchchai haiqqanaadan koyenna; nagaranchchai ba nagaraappe simmidi de7uwan de7ana mala koyes. (Naa77antto Pheexiroosa 3:9). Yesuusi nagaranchchata ashshanau yis; ba nagaraa paaxidi simmiya issi nagaranchchaa gishshau saluwan gita ufaissai gides (Luuqqaasa 15:7). Qeeri inxxarsati qassi Yesu Kristtoosa suuttaabaakka yootosona. “Xoossaa dorssai sa7aa nagaraa xaissiyaagee hageehoo”. (Yohaannisa 1:29).


12. Kiitanchchaa – kiitanchchai Xoossaa Qaalaa wokkales; Xoossai cimettidi deexo nagaraa toohuwaa tookki uttidaageetussi eti bantta nagaraappe simmanaadaaninñ Xoossaa poo7oinne a siiqoi eta wozanaa giddo yaanaadan yootanu koyes.

13. Haraphphiyyaa – haraphphee Geeshsha Ayyaanaa malaataa; Geeshsha Ayyaanai Xoossaabaa, nagaraabaa, likkebaanne Xoossaa pirdaabaa tumatettaa qonccisses (Yohaannisa 15:26). Ha misiliyan be7iyo wode Geeshsha Ayyaanai asaa wozanaappe kareera de7es; I nagarai haarido sohuwan de7anau danddayenna.

Ne wozanaa hanotettai ha misiliyan qonccissido wozanaa maleeshsha; hegaa gidikko, Godaakko waassa; ne wozanaa ayyo dooyada a Qaalai ne wozanaa giddon poo7issanaadan ootta. “Godaa Yesuusa ammana; neeni attana;”. (Yesuusi kittidoogeetu oosuwaa 16:31). Ee Xoossai ne wozanaa laammanaunne neeyyo ooratta wozanaanne ooratta kahaa immanau qaalaa gelis. I hegaa oottanau au shene (Hizqqeela 11:19). Naa77antto misiliyaa gidдон hegee qonccis.

NAA77ANTTO MISILIYAA

Hagee ba nagaraa paaxidi Xoossaakko xeeluwaa doommida wozanaa besses; kiitanchchai, “Naa77u zoozee de7iyo bisuwaappekka aadhdhidi qarattiya, oottiyaanne paxa de7iya Xoossaa Qaalaa oiqqis; he Qaalai shemppoinne ayyaanai, kureenne kolzee issippe gaittiyoosaa shaakkana gakkanaassi caddes; qassi asa wozanan de7iya koshshaanne qofaa i shaakkes” (Ibraawe 4:12). Xoossaa Qaalai nagaraa waagai haiquwaa gidiyooqaanne (Roome 6:23) mule asaikka issitoo haiqqanaagaa, qassi hegaappe guyyiyan Xoossai asaa pirdanaagaa hassayisses (Ibraawe 9:27). Nagaranchchatunne ammanennaageetu



И

**2. NAGRANCHCHCA GIDIOOGAA AMMANETTIDA
WOZANAA**

sohoi tamayinne dine eexxiyo abba gidдон gidana (Ajjuuṭaa 21:8).

NAGRANCHCHA GIDIOOGAA AMMANETTIDA WOZANAA

Naa77antto kushiyan kiitanchchai asa guuggiyaa oiqqis. Hegee nuuni ubbai haiqqanau de7iyooḡa nagaranchchaa hassayisses. Ha77i nuuni keehippe dosiyo, maizziyo, miziyo, puulayioonne a amuwaanne a laamotaa kunttanau waayettiyo nu bollai haiqqanaunne musanau de7iyaagaa; nu shemppoinne nu ayyaanai merinau de7iyaagaanne issi galla Kristtoosa sinttan pirdḡau shiiqanau de7iyaagaa gidikkokka nu bollai guxuncti xaissiyooḡa. (Naa77aantto Qoronttoosa 5:10).


Ha77i hagan nuuni nagaranchchau Xoossaa Qalal gelin i ba wozanaa Xoossaa siiquwaassi dooyiyooḡa be7eetes. Qassi Geeshsha Ayyanaikka xumanne nagaranchcha gidida wozanaa gidduwaa poo7issanau doommes. Xuma ubbaa yedettidi kessanau Xoossaa poo7oi a wozanaa giddo yes; aissi giiko, Xoossaa poo7oi yiyo wode, xumai dosennan kichches. Ha dumma дума do7atun leemisettida nagarai ubbai kichches. Haga nabbabbiya dosettidaagoo, ha misiliyaa be7iyooḡaadan xumainne xumaa iita oosoti ne wozanaa gidḡoppe kiyona; yaatada ha sa7au poo7o gidiya Yesuusi ne wozanaa gidḡo yanaadan paqqada. Yesuusi hagaadan yaagis; “Taani ha sa7au poo7o; tana kaalliya ooninne de7o poo7uwaa ekknappe attin xuman mulekka hemettenna”. yaagis. (Yohaannisa 8:12) Neeni ne cinnatettan woi asa cinnatettan woikko ne waretan nagaraa ne de7uwaa gidḡoppe yedettada xaissanau danddayakka. Keehippe kaushsha, geeshsha, eesonne oosuwan beettiya hara dooroi baina ogee poo7o gidiya Yesuusa gelissidi xuma gidiya nagarai gidḡiyan kiyanaadan oottiyooḡa. Aginiyanne xoolintteti qamma xuman guutta poo7uwaa immanau danddayoosona; shin awai mokkiyo wode xumainne qeeri poo7oti xayi aggoosona; Yesuusi xillotetta awaa. I Yerusalaa beeta maqidasiyaa geliyo wode, he sohuwan shammiyaageetan baizziyaageeta ubbaa yedettidi kessis. I miishshaa laammiyaageetu xaraphpheezaanne haraphphiyaa bazziyaageetu oidiyaa aatti yeggidi hagaadan yaagis; “Xoossaa Maxaafan ‘Ta beeta maqidasee Xoossaa woossiyo keetta geettana’ yagettidi xaafettis; shin intte a panggati qosettiyo gonggolo kesseeta” yaagis. (Matiyoosa 21:13). Ne wozanai Xoossa keetta; Xoossa woossiyo keetta gidanau merettis. Xoossai an

de7anau, a puulayanau qassi poo7uwan siiquwaaninne ufaissan kunttanu koyes. Yesuusi yiidoogee nu nagaraa atto gaana xallassa gidenna; qassi nuna nagaraa wolqqaappenne a haaruwwaappe birshshanaassanne la7a yeddannaassappe attin. Na7ai (Yesuusi) inttena ailletettaappe kessikko intte ailletettaappe tuma kiyana. (Yohaannisa 8:36).

HEZZANTTO MISILIYAA

Ha misilee nuna tumukka nagaraa paaxiya wozanai de7iyo hanotettaa besses. I ha77i Yesuusi a gishshau masqqaliyan haiqqido a nagarai ai keena gitanne iitakko be7es. I kiitanchchai a bessiyo Xoossaa Qaalaa be7iyo wode he Qaalai a wozanaa menttin i ciimma wozanaa gompaaappe gidida kayuwaanne azzanuwaa ba daro nagaraa gishshau azzanes. I Yesu Kristtoosa baggaara Xoossai qonccissido siiquwaa be7iyo wode he siiqoi a wozanaa seerisses; ubbaappe aattidi i Yesu Kristtoosi, Xoossaa na7ai a daro nagaraa xaissanaunne masqqaliyan a gishshau haiqqanau yiidoogaa akeekiyo wode, a wozanai seeres.

Yesuusi shocettidoogaa, agunttaa kallaachchaa a huuphiyan wottidoogaa a tohuwaanne a kushiyaa misimaariyan caddin i masqqaliyan nu nagaraa gishshau haiqqoogaa ba nagaraa paaxiya wozanai de7iyo uraassi qoncciiyan yootikko, hegee a wozanaanne a de7uwaa muleera laammes. I heregan bana be7iyoogaadan ba de7uwaa a garssan be7anau danddayiyo Xoossaa Qaalaa nabbabbyio wode, i ai keenaa Xoossaa ogiyaappe wora simmidaakkone a azazuwaayokka makkalidaakko kaseegaappe aattidi akeekes. I gita kayyuwaaninne azzanauwan xoonettidi afuttaaninne camo yeehuwan ba wozanaa Xoossaa sinttan gussiyo wode Yesuusi a mati shiiqes. I a Na7aa Yesuusa suuttai nagara ubbaappe nuna geeshshiyooogaa (Koiro Yohaannisa 1:7) akkeekiyo wode, Xoossaa siiqoinne sarotettaa i wozanaa giddo geles. "Abeeti Xoossau, geeshsha wozanaa ta gidдон medhdha; amanettiya ayyaanaa ta gidдон ooraxissa (Mazammure Maxaafaa 51:10). Qassikka Xoossaa Qaalai hagaadan yaages; "Taani banttana ziqi oottiyaageetuuninne bantta nagaraa paaxiyaageetun qassi taayo yayyiyaageetuuninne azazettiyaageetun ufaittais" yaages. (Isiyaasa 66:2). Geeshsha Ayyaanai Yesuusa qaalata ayyo qonccisses. "Ta na7au (Na7ee) yayoppa; ne nagarai atto geetettis". (Matiyoosa 9:2). I ha ubbai oosettidoogee assa gidiyooogaa eridi



III

3. NAGARAA PAAXIYA WOZANAA


masqqaliyaakkonne a bollan gukkida Yesuusa suuttaakko xeelliyoo wode a nagaraa toohoi kichchidoogaa akeekes; aissi giikko, Yesuusi nuuni ekkanu bessiya tuggaa ba huupphiyaa tookkidi danddayidi kanttis. Nu nagaraa gishshau i masunxxis; nu oottido iitaa gishshau i shocettis; Godai a bolli qixaatee wodhdhanaadan oottis (Isiyaasa 53).

Geeshsha Ayyaanainne Xoossaa siiqoi geeyida wozanan kawotoosona; i Yesuusan ammaniyo wode a nagari atto geetettidoogaa akeekes; qassi Xoossaa na7aa Yesuusa suuttai nagara ubbaappe a geeshshidoogaa ba wozana gidдон minttidi eres (Koiro Yohaannisa 1:7). I ha77i Yessuusan ammanida ooninne ayyaanaa haiquwaa haiqqennaagaanne ayyo merinaa de7oi de7iyoogaa geeshshidi eris. (Yohaannisa 3:16). Aissi giikko, Kristtoosi yarshshettidi haiqqido a haiquwan nuuni birshshettida; nu nagarikka atto geetettis. (Efsoona 1:7). Kase de7iya asatetta meretaa nagaranchcha amoi ha77i Xoossaassi de7aananne au oottana giyo ciimma qofau sohuwaa yeddis; Xoossai nuna koiro siiqis. (Koiro Yohaannisa 4:19).

I ha77i sa7aanne sa7aabata siiqiyooagaa aggidi Xoossaanne Xoossaabata siiqes. Kase ba de7iyo keettaa yeddanaa koyenna seexaanai geliyo xooy7iyaa demmada simmadakka gelana giidi guye xeellikkokka, ha misiliyan nuuni be7iyo wode dumma dumma nagarata bessiya do7ati bitaniyaa wozanaappe gaxi kiyiichchidosona. Godaa Yesuusi nuna naagettitenne woossite qassi Xalahe halaqaarakka eqettite i intteppe haakkana (Yaaqqooba 4:7) giyoogee hegaassa..

OIDDANTTO MISILYAA

Ha misilee nu Godaanne nuna ashshsiya Yesus Kristtoosa haiquwaa baggaara polo sarotettaanne merinaa atotettaa demmada ammaniya asa besses. I ha77i Godaa Yesus Kristtoosa masqqaliyaappe haraban aibiininne ceeqettenna; aissi giikko sa7ai nuuyyo haiqqidoogeenne nuunikka sa7aayyo haiqqidoogee Yesuusa masqqaliyaana (Galatiyaa 6:14). Nuuni nagarau haiqqidi xillotettau de7anaadan Yesuusi masqqaliyaa bollan haiqqis (Koiro Phexiroosa 2:24). Nuuni Ayyaanai nu de7uwaa kaalettanaadaaninne nu asatettaa amuwaa polennaadan azazettida (Galatiyaa 5:16,25).



IV.

4. KRISTTOOSAARA HAIQQIYOOGAA

Ha misilyaa gidдон asati Godaa Yesuusa maayuwaa qaari simmidi a gatti qachchido mittaanne eti a shoccido alanggiyaa be7eettes. I nu nagaraa gishshau qaxxayettis; aissi giikko, “I qaxxayettido a tuggan nuuni paxida” (Isiyaasa 53:5). Heeroodisinne a wotaaddarati Yesuusa bolli qilliiccidosona; eti a shoci simmidi, worqaa kallachchaa gishshaa agunttaa kallachchaa a huuphphiyan wottidososna; qassi kawotettaa zanggiyaa gishshaa xam77aa a ushachcha kushiyan wottidosona; yaatidi a sinttan hokkidi a qilliicciiddi hagaadan yaagidosona; “Aihudatu kawuwau aduqqada de7a” yaagidosona. Eti a bollan cuchchidosona; xam77aakka appe ekkidi a huuphiyaa shocidososna; gita borssuwaaninne tuggan a bolli qillicci simmidi a kaqqanau wora ekki efiidosona (Matiyoosa 27:27-31).

Hachchikka coo sunntau ammaniya asa geetettidi geeshsha qurbbaanaa ekkiiiddi, Xoossaa mazammuriyaa yexxiiddi bantta nagaraa oosuwan Xoossaa na7aa ubbatoo zaari zaaridi kaqqiyaageeti daroti de7oosona; (Ibraawe 6:6) “Saluwan de7iya ta aawai giidoogaa oottiya urai saluwaá gelanappe attin ‘Ta Godau ta Godau’ giya ubbaá gelenna” (Matiyoosa 7:21-27).

Ha misilyaa gidдон miishshaa siiqoi a wozanaa haarin hegaappe harabaa qoppanau danddayenna gishshau Godaa Yesuusa cimmiidi hastamu biran baizzida Yihudai miishshaa wottiyo qarcciitaikka de7es; paanoosseenne sanssalata milatiyaabati Yesuusa qachchidi qamman efiya wotaaddarati go7ettidobata. Wotaaddarati a maayuwaa banttau shaakki ekkana miishshaa wottidi naasetti ka7iyooobata go7ettidosona. “Eti ta maayuwan saamaa yeggidi banttau shaakki ekkooosona” (Mazmmure Maxaafaa 22:18). Eti mulebaakka Yesuusappe ekkirggidi, “Ha bitanee nuuyo kawo gidana mala nuuni koyokko” giidi a ixxididososna.

Xaaxi waaxidi asa hanotettaa xeelliyo wode, asai Xoossaappe anjuwaa, iraa, awaa ekkana koyes; gido shin Xoossaa bau Godanne bana haariyaagaa oottidi au aqanau koyenna. Daro asai Xoossi meto wodenne ufaissaa qanxxiyo wode xallan maaddes giidi qoppoosona.

Wotaaddarati a miyiyaa tooran caddin issi kuttan suuttainne haattai goggis. (Yohannisa 19:33-37). Kuttoi waassanaappe kasettidi Phexiroosi heezzutoo taani Yesuusa erikke giidi kaddis; shin i simmidi

camo yeehuwaa yeekkidi paaxis. (Matiyoosa 26:69-75). Neeni ne haasayiyoobaaninne oottiyooban ne wozanaa Yesus Kristtoosau immidoogaa qonccisaiyye? Woikko neeni Yesuusa ammanidoogaa harati eriyogau yeellatai? Yesuusi hagaadan yaages: “Ooninne qoncciyani i taagaa gidiyogaa markkattikko, saluwan de7iya ta Aawaa sinttan taanikka ayyo markkattana; shin ooninne qoncciyani tana kaddikko, saluwan de7iya ta Aawaa sinttan taani a kaddana” yaages. (Matiyoosa 10:32,33).


Yesuusi qasikka hagaadan yaagis; “Ba masqqaliyaa tokkidi ta geeduwaa kaallennaagee taayyo erissiyo ashkkara gidanau bessenna” yaagis. (Matiyoosa 10:38). Zaalla gidiya Yesus Kristtoosan gemmimidi attiyaageeti anjettidaageeta.

I mino zaallaa; ta qosettiyo kooppuwaa.
Hegaa gishshau taani ne giddon qosettais
Hekko ne miyiyaappe goggida suutainne haattai
Nagaraappe pattiyaaagaa gido
Nagaraa naquwaappenne a wolqqaappe tana geeshsho

ICHCHASHANTTO MISILIYAA

Ha misilee Xoossaa daro kehattettaaninne maarotettan attidi geeyidanne meecettida wozaanaa bessis; i ha77i tumu Xoossaa beeta maqidase woikko Xoossaa Aawaayyo, Na7aayyonne Geeshsha Ayyaanaayyo keetta gidis. Godaa Yesus Kristtosi hagaadan yaagidi caaquwaa geliis; “Tana siiqiya ooninne ta qaalaa nagana; ta Aawai a siiqana; qassi ta Aawainne taaninne akko yiidi aara de7ana” yaagis. (Yohaannisa 14:23). Xoossai asaa Yesus Kristtoosa baggaara bonchches, anjjeesinne xoqqu oottes. (Luuqqaasa 1:52).

Ha wozanai ha77i tumu Xoossa beeta maqidase gidis; nagarai yedetettidi kiyiichchis; wordduwau aawa gidiya Seexaanai haarido do7ati ubbai kichchiichchin tumaa Ayyaana gidiya Geeshsha Ayyaanai a wozanaa giddon de7iyaagaa be7ettes. Kase nagarai yelettiyo soho gididoogaa gishshaa ha77i ataakilttiyaa sohuwan de7iya aifiyaa tookkida puulanchcha mitta mala gidis. I ha77i Xoossainne asai dosiyoonne ufaittiyo Ayyaanaa aifeta, leemisuwau siiquwaa, ufaissaa sarotaa, ba huuphiyaa ziqqi oottiyoogaa, danddayaa, kehattettaa,



v

5. XOOSSAA BEETA MAQIDASIYAA

lo77otettaa, ammanettiyoogaa, ba huuphiyaa haarioogaanne haratakka tookkis. (Galatiyaa 5;22-23). I ha77i tumu woine gidiya nu Godaa Yesus Kristoosa bollan de7iya aifiyaa aifiya tashe gidis; qassi i aifiyaa aifanau danddayido xuurai aibee giikko, i Kristoosaara issuwaa gididoogaanne Kristoosinne a Qaalaikka a gidдон de7idoogaa. (Yohaannisa 15:1-10). I ha77i Geeshsha Ayyaanan meecettidonne kumido gishshau ayyo asatettaanne a amuwaa xooniyonne woriyo wolqqai de7es (Galatiyaa 5:24). A Geeshsha Ayyaanai kaalettiyo gishshau i asatettaa amuwaa polenna (Galatiyaa 5:16). I naa77antto ammanuwan de7esppe attin ba aifiyan be7iyooaban, ba haittan siyioobaaninne ba garssan siyettiyaaban de7enna; aissi giikko, nuuni nu ammanuwan ha sa7aa xooneettes (Koiro Yohaannisa 5:4).

I nu Godaa Yesus Kristoosi matan yaanaagaa geeshshi eridi a yuussa hidoota oottidinne he hidootan minettiiddi de7es; qassi merinuu de7iya Xoossaa siiquwaakka ba de7uwan meezetes. “Wozanaa geeshshsati anjettidaageeta; aissi giikko eti Xoossaa be7ana” (Matiyoosa 5:8). Kawuwaa Daawiti durenne ba morkketa ubbaa xoonidaagaa gidikkonne ola ubbaappe aaro olai de7iyoi ba wozanaa giddoona gidiyooogaanne ba ciimma ayyaanaama kosshaa eridi hagaadan yaagidi woosis; “Abeeti Xoossau geeshsha wozanaa ta gidдон medhdha; oorattanne ammanettiyyaa ayyaanaa ta gidдон wotta” yaagis. (Mazammure Maxaafaa 51:10). Daawiti oottidoogaadan tumu paaxettaa paaxidi Xoossai a gidдон geeshsha wozanaa medhdhanaadan oichchana xaikko, ooninne ba wozana geeshshanau woikko geeshsha wozanaa medhdhanau danddayenna.

Xoossai ooratabaa be de7uwan oottanau koyes. Peerettiidi curqqattida ne xillotettaa worddo caaquwaa geliyoogaaninne sarotettaa immiyoogan sikkiyoogee ne wozanaa Xoossai de7anau bessiya soho kessenna. Xoossai nena maaddanau keehippe koyes; aissi giikko, I hagaadan yaagidi caaquwaa gelis; “Taani inttena xillo haattan aracana; yaatada inttena intte eeqa ubbaappenne inttena tunissidaba ubbaappe geeshshana. Taani intteyyo ooratta wozanaanne ooratta kahaa immana; qassi zozzu giida shuchcha wozanaa intte gidдoppe kessada azazettiya wozanaa intteyyo immana; taani ta ayyaanaa intte gidдон wottana; yaatada taani intteyyo immido ta wogaa intte kaallanaadaaninne ta azazuwaa ubbaa intte naaganaadan oottana” yaagiis (Hiziqqeela 36:25-27). Hagee Xoossai ba na7aa Yesus Kristoosa bagaara nuuyyo


immido ooratta maachchaa kiitaa.

Ha misiliyaa gidдон nuuni simerettidi yiya kiitanchchaa be7oos; kiitanchchati “Godaa bonchchiyaageeta naagoosonanne eta iitaappe ashshoosna” (Mazammure Maxaafaa 34:7, 91:11; Daaneela 6:22; Matiyoosa 2:13; 13:39; 18:10; Yesus Kiittidoogetu oosuwaa 5:19; 12:7-10).

Ha misiliyaa gidдон Xalaheekka kase ba keettaa simmiyo qaadaa xeeliiddi bitaniyaa wozanaa matan eqqidaagaa be7oos. Hegaa gishshau Qalalai nuna hagaadan yaagidi minttettes; “Beegottite; naagettite; intte morkkee Xalahe halaqai mittiyo uraa koyiiddi gudiya gaammuwaadan gudiiddi intte lanqqiyan yuuyes (Koiro Phexiroosa 5:8). Daro wode i akeekai baina Xoossaa naataa ha sa7aa amuwan paaccanaanne ba cimuwana Xoossau doorettida asaakka cimmanau bana poo7o kiitanchcha milatissidi laammes. Gidikonne nuuni Xalahe halaqaara eqettikko i nuupe baqatana (Yaaqooba 4:7).

USUPPUNTTA MISILIYAA

Hagee Xoossaa kaalliyooaappe aggidi guyye simmida bitaniyaa bessiya azzanissiya misiliyaa. A aifee issoi qilimettaa doommi uttis; hegee i amuwaa de7uwan irxxettaanne xiskkuwaa doommidoogaa besses; qassi naa77antto aifee ha sa7aa siiqidi yeelli baina xeelaa yuushshi aattidi xeelles. A wozanaa gidдон de7iyaa poo7oi xumaa doommis; qassi i Kristoosaara metuwaa ekkanaa giigidaagaa gidiyoojaa bessiya misilettikka kaseegaadan sitti giidi de7okkona. I kase eqettidi xooniyoojaa gishshaa ha77i leelan leelan paacettidi kunddiyo paacetun doodetti uttis. I ha77i Xoossaa cenggurssaa ezggiyoogaa aggidi Xalahe halaqaa cimo qofaanne worddo qalaa caaquwaa ezggiyoogaa doommis. Ha sa7aabau de7iyaa ba amuwaa haimaanootiyaa sunntan kammidi woosa keettaa biyaagaa gidikkokka, a wozanan de7iyaa Xoossaa siiqoi irxxiichchis. I ha77i naa77u ogiyyaappe gidduwan eqqin au qachchanau ixxi uttis. Coa Xoossaa siiqiyaaba milatesppe attin ha sa7aabaara kaassaa doommis; a wozanan de7iyaa bakkaalee, hegeekka a kahai xumaa doommis. Masqqalee kaseegaadan ufaissan tookkiyooba gidiyoojee attin hashshu geenna deexo tooho gidis. A ammanoi qaattaa doommis; i Xoossaara woosan haasayiyooaakka aggis; qassi ba de7uwaassi un77ettiyoogaanne



VI

6. PAACETTIDANNE SHAAHETTIDA WOZANAA

qoppiyoogaa aggidi ba wozanaappe kareera eqqidi Xalahe halaqaassi leelan puliyaa immes. I tumu Xoosaa naatuura issippe gidiiyoogan ufaittyoogaappe aattidi nagaranchcha asatuura issippe gidiiyoogan ufaittes.

Otoruwaassi malata gidiiya pikok giyo kafoi simmidi gido gelanau xeeluwaa doommis; i aaro kehatetta xallan attoogaa dogiichchidi ha77i otoruwan kumida ammaniyaagaa gidis; mattoyiya ushshaa amoi a wozanaa kariyaa qoxxeesinne giddo gelanau koyes. Issi dummatiya wodiiyan i nagaranchcha asatuura issippe de7iyo wode i etappe dummatidi etaara ufaittenna asa gididi beettiiyoogee a yeellayes; qassi Xalahe halaqaikka issitoogee aikko baawa ne ayyaanaa de7uwwa qohenna giidi ayyo yootes. Ayyaanaama gidenna qofatinne amoti banttana qonccissidi bessoosona; i ooni erii issi issi lo77enna naachchatun ufaittanau, shori bainna misileta zaari zaari ufaittidi xeelanau, iitatuura issippe gidiiyoogan ufaittanau, durssa keettaa baanaunne iita ha sa7aa gibiran ufaittanau doommes. Aissi giikko, i xalahe halaqai hegee asa mereta gidiiyoogaanne issito nagara oottiiyoogee aikko baawa giidi yootido worddo qofaa ba wozanan wottis.

Tumaa odana giikko tunanne iita qofaa allaaga kafoti nu huuphiyaappe bollaara paalliiyoogaa digganau danddayokko; shin eti nuna haaranaadan paqqadikkonne eti bantta keettaa nu wozanaa giddon keexxidi bantta iita oosuwaa qoxanaadan oottikko nuuni mooranchcha. Nuuni Xalahe halaqaayyo nu gidhdha biradhdhiyo immikko i nu kumetta kushshiyaa dafidi nu shemppuwaanne ayyaanaa merinaa gannabiyaa taman yegganaagaa eres. Hegaa gishshau Xoossai loittidi nuna naagettite giyoobai aibee giikko, ai ogiyaara i yikkonne yelagatettaa amuwaappe haakkanaagaanne nagaraara kaa7ennan agganaaga. Teqqiyaagaakkonne ashshiya Yesuusakko woxxite.

Ha misiliyan be7iyo wozanaa qara cubiiyan caddiya bitanee ammanuwaa bollan qilliicciyaanne ammanuwaa ixxiya asa besses. Bantta worddo oduwaaninne qilliicciya menttershshan eti ammaniya asaa wozanaa caddidi masunxxissoosona; aissi giikko shaakettida wozanaa de7anau danddayenna gishshau de7oppo giidi. He wode ammaniyaagee Xoossaappe aattidi asaassi yayyiyoogaa doommes; qassi asai giyoobaassinne oottiiyoobaassi yayyiyo gishshau i


Xoossaappe haakkidi asau aille gides. Hanqqoinne yiilloi metuwaa wodiyaaninne kayuwaa wodiyan banttana qonccissidi qassi a de7uwaa gido gelanau wolqqanttoosona. Hara asai halchchidobai polettiyo wodenne etau injjetiyo wode bana qonccissidi bessiya qanaatiya iita shooshshai ainne crissennan soo gogettaa doommes; qassi ayyoo bagga keenā qaadaa gelanau immikko ixuwaassinne otoruwaassikka penggee aahuwan dooyetes.

“Paaciyan intte gelenna mala naagettitenne woossite” (Matiyoosa 26:41) giidi nu Godaa Yesuusi odido qaalau azazettana xaikko miishshaa siiqoikka nu wozanaa giddo goggidi gelanaagee kaushshaba. “Hegaa gishshau i minnidi eqqidoba milatiyo urai ooninne kunddennaadan bana’ naago (Koiro Qoronttoosa 10:12) Xalabe halaqaa iita cimuwaa teqqanau danddayana mala nuuni Xoossai nuuyyo immiyo ola miishsha ubbaa maayanau koshshes (Efsoona 6:11-18).

LAAPPUNTTA MISILIYAA

Hagee laappuntta misilee issi wode ayyoo Xoossaa poo7oi poo7in saluwaa imotaakka laacci be7idi, qassi Geeshsha Ayyaanaakka shaakki ekki simmidi ba ammanuwaa kaddidi guyye simmida asa wozanaa besses (Ibraawe 6:4). Qassikka ha misilee “Mishiraachchuwaa Qaalaa” geetettiya wonggilaa tumattetai ayyoo qoncciiyan odettikkonne ba nagaraa paaxidi ba de7uwaa Xoossaassi immanau mulekka koyenna bitaniyaa de7uwaakka besses. Xoossai yootiyo wode morgge zozza gididi siyenna asi ba de7uwaa ba wolqqan laammanau go77i bainna waretāa waretikkonne a de7oi kaseegaappe aaruwaa iitatettan dari dari bes.

Yesuusi ba huuphen guyye simmida bitaniyaa de7uwaabaa hagaadan yaagidi qonccissis; “Tuna ayyaanai asappe kiyio wode i baayyoo shemppiyosaa koyiiddi mela sohuwaara aadhdhes; ayyoo beetennan ixixikko i baayyo, ‘Taani aggada yiido ta keettaa siimmada baana’ yaages; yaagidi simmidi biyo wode keettaa pitettidi giigi uttidaagaa demmes; hegaappe guyyiyan biidi baappe iitiya laappun hara ayyaanata ches; he ayyaanati gelidi hegan de7oosona; he bitaniyaa de7oi kaseegaappe guyyegee keehi iita gides” yaagis (Luuqaasa 11:24-26). “Kanai ba cooshshaakko guyye simmes” giyo leemisoinne “Meecettida guduntai guyye simmidi urqqan gondorettes” giyo



VI

7. AMMANUWAA KADDIDA WOIKKO ZOZZA WOZANAA

leemisoi tuma gidiyooгаа eta bollaг gakkidabai besses (Naa77antto Phexiroosa 2:22).

Ha bolla baggaara be7ido Geeshsha Maxaafaa kifileti ammanuwaa kaddidi guyye simmiya woikko nagaraa paaxenna wozanaabaa qoncciyaa bessoosona. Nagarai ba cimo ubbaara bitaniya wozanan de7anaunne a haaranau simmidi yis. Harai atto shin a som77oikka issi baggaara a wozanai de7iyo hanotaa besses. Ashkke gidida haraphhiyan leemisettiya Geeshsha Ayyaanaikka a wozanaappe sugettidi kiyis; aissi giikko nagarainne Geeshsha Ayyaanai issippe de7anau danddayokkona. Asa wozanai issi kuttan Xoossa beeta maqidasenne Seexaanai qosettiyo soho gidanau mulekka danddayenna. Xoossaa Qaalaa oiqqida kiitanchchaikka kayottiiddi a wozanaappe kiyis; gido shin kiitanchchai i bayida naa7aagaadan issito paaxidi simmana giidi guyye xeelliyooгаа aggibeenna. Bayida na7ai gudunntaa wudee miyo baaqeelaa harquwaa maanaukka amottis; shin ayyo miyoobaa immidabi ooninne baawa; wursettan i ba mooruwaa hassayidi hagaadan yaagis; “Taani denddada ta aawaakko baada, ‘Ta aawau taani Xoossaakka nenakka naasqqaas; hagaappe sinttan ne na7a geetettanaukka bessikke’ yaagana” yaagis (Luuqaasa 15:16-20). Aawai ba mooruwaa paaxiidi yiida ba na7aa be7idi a maaridi ufaissan shiishshi ekkis.

Ha misilee bessiyoo wozanaayyo tumaappe nagarra paaxido malaatai, Xoossaakko simmiyoogeenne Yesuusa tohuwaa xaphon gididi atosettaa koyioogee baawa. A kahai misho biratan xuugettidi doccidaba mala; ayyo haittai de7es shin simmarkkii giidi woossiyya Yesuusa cengurssaa siyenna; aifeekka de7es shin a tohuwaappe garssa baggaara hanggi uttida zawai baina gannabiyya ollaa be7enna. I nagaraa oottiyoogaa sinttau sinttau gujjiidi biyoogaa ainne yeellatenna. Seexaanai a haaranau a wozanaa giddo yiidi kawuwaadan ba araan uttis. I bollaara lo77o milatidi garssan meqettatinne musiya ahati kumido annuwaa tiyido duufuwaadan, bollaara xeelliyo wode ashkenne bonchchettida asa gidiyooгаanne ammaniya asa milatiyoogan otorettana danddayes (Matiyoosa 23:27).


A wozana giddon Tumattetaa Ayyaanaa sohuwaa wordduwaa aawai ekkis; dumma dumma do7atun leemisettida nagara ubbai dumma xalahe ayyaanaaranne tuna ayyaanaara issippe gididi a wozanan

kumoososna. I bana tuggayiya iita ayyaanatuppe birshshettanau koyikkokka eti a qachchi wottoosona. “Muse higgiyau azazettenna urai naa77u woikko heezzu urai a bolli markkattikko qareti bannan haiqqes. Yaatin Xoossaa na7aa karida urai, bana nagaraappe geeshshida Xoossaa maachchaa suuttaa tunabaadan qoodida urai qassi aaro kehatettaa Ayyaanaa cayiya urai ai keena iita pirddaa ekknanu bessiyaakko ane qoppite” (Ibraawe 10:28,29, Naa77antto Phexroosa 2:1-14).

Dosettida ta laggiyau, ne wozanai ha77i de7iyo hanotettai ha misiliyan odettidaagaa mala gidikko, gam77ennan garssa ne wozanaappe Xoossaakko woossa. “I ha77ikka merinaukka ba baggaara Xoossaakko yiyaageeta ashshanau danddayes” (Ibraawe 7:25); qassi neeni tumaappe nagaraa paaxada yiikko, ne nagaraa atto gaanau danddayeesinne hegeekka ayyo shene. Neeni ayyo sheniya immikko I Xalabe halaqaanne xalaheta teqqanaunne ne wozanaappe yedettidi kessanau danddayes. Inchchirichchai oqqido bitanee Yesuusakko yiidi, “Neeni koyikko tana pattanau danddayaasa” yaagin Yesuusi ayyo qarettidi ba kushiya yeddidi a bochchidi “Taani koyais paxa” (Marqqoosa 1:40,41) yaagidoogaadan neenikka haa ya. Shin neeni morgge zozza gidada sinttau gujjikkonne poo77uwaappe xumaa dosikko, neeyyo hidooti baawa; nena maaddiyaabikka baawa; aissi giikko, neeni de7uwaa gishshaa haiquwaa dooraasa. Nagaraa waagai haiquwaa (Roome 6:23).

HOSPPUNTTA MISILIYAA

Ha misilee Kristtoosa kaallana giyo qofaa qashuwaa wonttossi wottidi haiquwaakko matatiiddi de7iyaanne a bollai sahuwan a shemppoikka haiquwaa yashshan kumido bitaniya bessees. Haiqoi naagennanne koyenna wodiyan akko yes. Nagaran beettiya worddo ufaissai baa xayiiichchis; i ha77i gitanne yashshiya nagaraa waagaa ekkiyoogee antenna; gannabiya tuggaikka ayyo ha77i sinttan beettes. I woossanau koyikkokka Xoossaa siiquwaa adussa wodiyan ixxidi gam77ido gishshau aara haasayanau danddayenna. A laggeti a miyiyan eqqanau yayyoosona; eti a minttettanau odiyo hada qaalati a ainne maaddokkona; a duretai a de7uwaa adussanau, a shemppuwaa ashshanau woikko a shemppuwaa tuggaa guuttanau danddayenna. I ha77i Xoossaa bolla xallan ba qofaa wottanau danddayennaagaa



8. NAGARANCHCHAA PIRDDAA

be7is aissi giikko, i heгаа oottanau xalahe halaqai ayyoo qaadaa immenna.

I kase siiqidobatinne etayyo de7idobati ubbai ha77i a bollan qilliicciyaaba milatoososna; i Xoossaa siiquwaa ixixidi a pirddaa gidдон kunddido gishshau, ammanettenna, ooni erii ubba attibeenna a qeesee woikko woosa keettaa kaalettiyaageekka a maaddanau danddayenna. I “De7o Xoossaa kushiyan kunddiyoogee daro yashshiyaaba gidiyoogaa ha77i biron akeekes (Ibraawe 10:31). I kase bau injjetiyo wode woikko haiquwaa hiittau simmiyo wode ba de7uwaa Xoossau immana giidi hidootaa wottis; shin ha77i wode aadhdhiichchidoogaa be7is. Sha7an qoodettiya asai haiquwaa hiittan de7iiddikka Xoossaakko simmiyo qaadaa demmennan dinggatiyan haiqoosona. Hegaa gishshau Xoossai matan de7iyo wode akko simmiichchanau koshshes. Ha nagaranchchai kase de7uwan de7iyo wode au injjetiyaanne a ashshiya Xoossaa Qaalaa siyennan ixxis; Xoossai a nagaraa atto giyo maarotettaanne a siiquwaakka ixxis. Hegaa gishshau i ha77i i kase ixixido Ashshiyaagee “Xoossan qanggettidaageeto ta matappe kichchite; biidi Xalahe halaqaayyoonne a kiitanchchatuyyo giigida merinaa taman gelite” (Matiyoosa 25:41) yaagiyo pirddaa cenggurssaa siyanaagee gidde. “Asi ubbi issito haiqanau besses; hegaappe guyyiyan Xoossai asaa pirddana”. (Ibraawe 9:27).

UDDUFUNTTA MISILIYAA

Ha misilee ammanettidi eqqi aggidi tuggayiya metuwaanne paaciyaa bollan xoonuwaa demmiya ammaniya bitaniyaa besses. I ubba baggaara paacettikkokka minni eqqidi Yesus Kristtoosa baggaara xooniyaagaa gididi wurssettai gakkanau bes. I ammanauwaa wottaa naasiyaa giddo geliyoogaa xalla gidennan de7ishin ba qofaa qachchidi ba wottaa aggennan sinttauu woxxes; aissi giikko, “I ba aifiyaa koiruwaappe biidi wurssettai gakkanaashshin nu ammanoi baasettido Yesuusa bollan ubbatookka wottis” (Ibraawe 12:1,2).

Seexaanai cora xalahetuura issippe gididi Xoossaa na7aa likke gidenna ogiyaa kaalettanau polenna halchchuwaa halchchiiddi ammaniyaagaa wozanaa dooddes. Otoruwaa, miishshaa siiquwaa, tunatettaa nagaraanne hara nagarata bessiya leemisotikka de7oosona; nagarai

nuukko ubbatoo dumma dumma ogiyan yiyoogaanne banatetta qosidi dumma meran woikko sunttan qoncciyooгаа bessanau mahiyaa sohuwan ha77i haree de7iyooгаа be7os. Gido shin akeekai de7iyo ammaniyaagee i ammanuwaa meran woikko poo7o kiitanchcha milatidi yiikkokka i nagaraa gidiyooгаа eres; aissi giikko, Xoossaa Qaalainne Geeshsha Ayyaanai a tumatettaakko kaalettoosona.

Issi kushiyan woine eessaa burccukkuwaa oiqqida bitanee ha sa7aa worddo ufaissaa bessidi ammaniyaagaa balettanau a yuushuwan dures. Gidikonne, Xoossau bana immida ammaniyaagee nagaraassinne ha sa7aa amuwaassi Kristtoosaara haiqqiichchido gishshau hegee a bollan aibanne gattanau danddayenna. Ha misiliyaa giddon de7iyya naa77antto bitanee asmmaniyaagaa cubiyan caddes; ammanennaageetuppenne sunttau ammaniyaageeta giyoogeetuppe yiya cashshai, zigirssai, qilliiiceenne naasee tumu ammaniyaagaa wozanaa caddoosona. Gido shin i ubba wode Xoossai giyoobaappe attin asai giyoobaa ezggenna. I “Intte tana kaaliyo gishshau asai inttena cayiyo wode, yedettiyo wodenne qassi intte bolli iitabaa ubbaa wordduwan haasayio wode intte anjettidaageeta; ufaittite, hashshu giite; aissi giikko, intteyyo saluwan gita woitai giigi uttis” (Matiyoosa 5:11,12) yaaagidi Yesuusi yootido qaalaa hassayes.

Nu nagaranchcha asatettainne xalahe halaqai ammaniyaagaa Xoossaa siiquwaappe shakkanau ubbatoo banttau danddayetidabaa ubbaa oottoosona. Shin gita ufaissaninne ammanuwaa xalan i hagaadan yaages; “Simmi nuna Kristtoosa siiquwaappe shaakkanau danddayiyai oonee? Waayee woi tuggai woi yedetai woi koshai woi hiyeesatettai woi adagai woi haiqoi shaakkaneeyye? (Roome 8:35) “Shaakkenna. Aissi giikko, nuna siiqida a baggaara nuuyyo ha yohotu ubbaa bollanka kumetta xoonoi de7es” yaages. (Roome 8:37). Xoossaa ola miishsha ubbaa maayidi i xalahe halaqaa olaa eqettanau danddayes. Iita galalssai yiyo wodekka wurssettai gakknaashshin olettidi Yesu Kristtoosan minidi eqqanau danddayes. Qassi paacenne meto ubbaa bollan xoonidi denddida a baggara nuunikka xoonidi merinau phooliiddi de7iyya bonchcho kallaachchaa ekkanau besses. (Efesoona 6:10-18, Koiro Phexiroosa 5:4).

Poo7o leemiso gidida a kahan de7iyya bakkaalee geeshshanne phooliyaagaa; a wozanai ammanuwaaninne Geeshsha Ayyaanan kumi

uttis. Xoossaa Qalalai giyoogaadan xoonid denddiyaagaayoonne wurssettai gakkanaau gencciyaagau imettida daro anjjuwaa kiitanchchaa a hassayisses. "Taani xooniyaageetuyyo Xoossaa gannatiyan mokkiya de7o mittaa aifiyaappe maanaadan maataa immana." "Xooniyaageeti naa77antto haiquwan qohettokkona." "Xooniyaageetuyyo taani geman de7iya mannaappe amaridaagaa immana; qassi etayyo ubbaukka ooratta sunttai a bolli xaafetti uttido bootta shuchchaa immana" "Xooniyaageetuyyonne taani giyoobaa oottanau wurssettai gakkanaashshin gencciyaageetuyyo taani ta aawaappe ekkidoogaa mala maataa immana" "Xooniyaageeti hagaadanka bootta maayuwa maayana; qassi taani eta sunttaakka de7o maxaafaappe quccikke; ta Aawaanne a kiitanchchastu sinttan eti taageeta gidiyooгаа taani qoncciyaa awaajjana" "Taani xooniya uraa ta Xoossaa beeta maqidasiyan tuussa oottana; i hegaappe mulekka kiyenna" "Taan xoonada ta Aawaa miyiyan a araatan uttidoogaadan xoonidaageeti ta araatan tanaara uttiyo maataa immana" (Ajjuuataa 2:7,11,17,26: 3:5,12,21).

Dooya de7iya miishsha qarcciitai a xalla gidennan a miishshaikka Xoossau immettidaagaa gidiyooгаа besses; i ba miishshaa coo xaissenna; heгаа gishshaa hiyeesata maaddes; qassi ba asirataanne (ba demmiyoobaappe tammantto kiushiyaa) imotaa wiokko bau de7iyaabaa ubbaa Xoossaassi immes; i ubbabaakka Xoossaa bonchchuwaassi go7ettes.

Oittaa komppoinne molee i geeshshanne ba huuphiyaa haariyo de7uwaa de7iyooгаа bessoosona. I mattoyiyaa ushshaa uyiyoogan woikko tuna qumaa miyoogan ba de7uwaa tuinissenna (Yesuusi kiittidoogeetu oosuwa 15:20). I ba miishshaa go77ennaban xaissenna; ba de7uwaakka (Xoossaa beeta, maqidase gididaagaa) caatiyaa coommiyoogan, tambbuua cuwayioogan, bashshenna; qassi bollaa docissiyaanne qohiya xaletakka meenna; heгаа gishshaa kumetta geeshshanne bollaassi maaddiya qumaa mes. A wozanai ba huuphiyau woossiyo keetta. I dumma dumma carckuwaa giddooranne mule hanotettaa giddorakka woosa keettaa prograamiyaa mule wode bonchchuwan kaalles. I woosa keettan gidin ba soo asaara woi qassi ba kifiliyan woosaa woossiyoogaa doses; aissi giikko, ammaniya asi Xoossaara haasayana xaikko diccanau danddayennaagaa eres.

Dooyetti uttida maxaafai Geeshsha Maxaafai ubba wode ayyo dooyetti uttidaagaanne i a hachchi hachchi nabbabbiyoogaanne xanna7iyooгаа besses. I appe cinccatettaanne minotettaa, de7uwaanne poo7uwaa qassi qoodi baina duretettaa demmes. Qalalai ayyo a kaalettiya xomppenne i Xalahe halaqaa an xooniyo biso gidis. Qassikka Qalalai a shemppuwaassi hachchi hachchi miyo ayyaanaa quma, a saamuwaa aliya haattaa, i bana meeccidi geeshshiyoo haattaanne bana a garssan be7iyo heregaa.

I masqqaliyaa tookkiyoogaa doses; aissi giikko masqqaliyaa tookkana xaikko woi to bainaagaa eres; qassi Kristtoosaara haiquwaappe dendidooagaanne ooratta de7uwaa de7anau koshshiyooгаа eriyo gishshau saluwaabatu bollan ba wozanaa wottes; ba kahaakka yan de7iyaabatu bollan wottespe attin ha sa7an de7iyaabatu bollan wottenna (Qollasiyaasa 3:1-2). I Xoossaara gaittanau giigi uttis; qassi i goggiya haattaa doonan tokettida aifiyaa aifiyo aginan aifiya mita mala. (Mazammure 1:3) I qassikka daro aifiyaa aifiya tumu woiniyaa bollan de7iya tashe mala; haiquwaukka yayenna; aissi giikko Geeshsha Ayyaanaa baggaara ekkido Xoossaa tumu siiqoi a wozanan kumis.

TAMMANTTA MISILIIYAA

Yesuusi hagaadan yaagis; “Taani denddonne de7o; tana ammaniya urai harai atto haiqqikkokka paxa de7ana; qassi paxa de7iya urainne tana ammaniya urai ubbai mullekka haiqqenna” yaagis. (Yohaannisa 11:25,26) “Ta qaalaa siyiyaagaanne tana kiittidaagan ammaniyaagau merinaa de7oi de7es; i haiquwaappe de7uwau pinnidoogaappe attin pirddettenna” yaagis. (Yohaannisa 5:24). Ammaniya urau haiqo yashshi woikko pirddi baawa; “Haiqoi xayis; xoonoi polettis; haiquwau ne xoonoi awaanee? Haiquwau ne yiishshai awaanee? Nu Godaa Yesu Kristtoosa baggaara nuussi xonuwa immiya Xoossaaassi galatai gido” (Koiro Qoronttoosa 15:-54-57).

Xoossaara de7idanne hemettida asi haiquwau yayenna. Yesuusi kiittido Phauloosi “Ha de7uwaappe shaahettanaunne qassi Kristtoosaara issippe de7anau amottais; Kristtoosaara issippe de7iyoogee ubbaappe aadhdhida daro lo77oba” (Pilphphisiyusa 1:23) giidoogaadan ayyo haiqqiyo wodee gakkiiyo wode i ufaissan bi agges.



10. BONCHCHUWAN BA SOO BIYOOGAA

Ammaniyaagee baayyo haiqqidi ba nagaraa acuwaa masqqaliyaa bollan qanxxida Yesuusa sinttaa be7anau amottes. Geeshsha Ayyaanai a Yesuusi yootido qaalata hassayisses; “Intte wozanai hirggoppo; Xoossaa ammanite; tanakka ammanite; ta Aawaa keetan daro sohoi de7es... taani de7iyoosan intteikka de7ana mala simmaa yaada taako inttena ekka efaana. (Yohaannisa 14:1-4). Ooninne aifiyan be7ibeennaagaa woikko haittan siyibeennaagaa qassi ooninne ba wozanan qoppiibeennaagaa Xoossai bana siiqiyaageetussi giigissis. (Koiro Qoronttoosa 2:9). Ha sa7aa bollan de7iiddi nu Godaa Yesus Kristoosa ogiyan hemettiyaageetussi giigida saluwaa katamaa bonchchuwaa qonccissanau gidiya qalalai ha sa7an baawa.

Ha wurssetta misiliyan yahshsiya haiquwaa moitilliyaa gishshaa Xoossaa kiitanchchai beettes; i geeshsha gidida a shemppiyo Xoossaakko efaanau naages. A shemppoinne a ayyaanai haiqqiya asatettaa qashuwaappe birshshettidosona; eti dooyetti uttida saluwaa penggiyaara kanttidi a siiqiyaanne a gishshau masqqaliyaa bollan haiqqida Yesuusakko pude boosona. “Hashshu saro yaadasa” giyo ufaissai a Xoossaa matan naages; a Godainne a kaalettiyaagee hagaadan yaagidi galataa qaalan a sarotana; “Hayanaashsho! Neeni lo77onne ammanettiya ashkkara... haa gelada tanaara issippe ufaitta” yaagana. (Matiyoosa 25:21). Seexaanaayyo a bollan aiba maatinne baawa; aissi giikko, “Kase hiyyeesa bitanee haiqqin kiitanchchati a tookkidi saluwan giigida gibran Abraame baggan uttanaan efirggidosona” (Luuqaasa 16:22) “Hegaappe guyyiyan taani hagaadan yaagiya cenggurssaa saluwaappe siyas ‘Hagaa xaafa; hagaappe sinttau Godau oottiiddi haiqqiyaageeti anjettidaageeta’ ‘Ee tumakka’ yaagidi Ayyaanai zaares. Eti bannta daafuraappe shemppana; aissi giiko, eta oosoi eta kaallana (Ajjuutaa 14:13).

WURSSETTA MINTTETTUWAA

Hagaa nabbabbiya dosettidaagoo, neeni nena siiqiya Xoossaayyo ne wozanaa immanaadan nena Xoossai maaddo; aissi giikko, i ha77i hagaadan yaagidi neeyyo yootes; “Ne kumetta wozanaappe haa taakko simma” (Zaarettidio wogaa 30:2). Daafurida, kayyottidanne ooliiddi de7iya ne wozanaa Yesuusau imma; i neeyyo ooratta wozanaanne ooratta kahaa immana. Cimmiya ne wozanan cimettoppa woikko a amuwaa kaalloppa; aissi giikko, asa wozanaa giddoppe i

tunabaa oottanaadan kaalettiya iita qofati kiyooosona (Marqqoosa 7:21). Ne nagaraa aggaaga; likke gididabaa oiqqqa; aissi giikko; nagaraa waagai haiquwaa; shin Xoossai nu Godaa Kristtoos Yesuusa baggaara coo immiyo imotai merinaa de7uwaa (Roome 6:23).

Inttenoo intte de7uwaa Xoossaassi immidaageetoo, “Leemisodan oottidi intte kaallana mala taani inttena tamarssido tumatettaa qaalata mintti oiqqite; qassi Kristtoos Yesuusaara issuwaa gididoogan nuugaa gidida ammanuwaaninne siiquwan de7ite“ (Naa77antto Ximootiyoosa 1:13). Qassikka Naa77antto Ximootiyoosa 1:12 Phauloosi hagaadan yaagidi xaafis; “Taani ta ammanidoogaa erais; qassi i taayyo hadaraa immidoogaa he gallassai gakkanaashshin i lo77otettan naaganau danddayiyoogaa geeshshada erais” yaagis. Xoossan intte ammanido ammanuwan intte huuphiyaa minttite; Geeshsha Ayyaanaa wolqqan woossite; Xoossaa siiquwaa gididon inttena naagite; intte aifiyaa, oge, tumanne de7o gidida Yesuusa bollan wottite. Nu Godai Yesuusi ba naata efaanau eesuwan simmana; “I kawotu Kawuwaanne godatu Godaa” (Koiro Ximootiyoosa 6:15).

“Intte kunddenaadan inttena naaganuwanne borettennaageeta oottidi ba bonchuwaa sintti gita ufiassaara shiishshanau danddayiya nuna ashshiya issi Xoossau nu Godaa Yesu Kristtoosa bggaara bonchchoi, gitatetta, wolqqainne maatai aadhhdida wode ubbaappenne ha77inne merinau gakkanaassi gido; Amin77i” (Yihudaa 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique financee de dons

Missao de literatura Evangelica financiada por donativos

(Reg. No. 1961/001798/08)